

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-891/12  
Sarajevo, 3.7.2012. godine

**Z A P I S N I K**  
**8. VANREDNE SJEDNICE DOMA NARODA PARLAMENTA**  
**FEDERACIJE BIH, održane 3. jula 2012. godine**

Sjednica je počela u 14.30.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, federalnog ministra energije, rudarstva i industrije Erdala Trhulja, federalnog ministra finansija Antu Krajinu, predstavnike nevladinih organizacija, predstavnike akreditiranih medijskih kuća koji prate rad sjednice i goste.

Izostanak sa sjednice opravdala je Mira Jurić.

Na osnovu evidencije Stručne službe, predsjedavajuća je konstatovala da sjednici prisustvuje 55 delegata, što čini većinu, te Dom naroda može raditi i punovažno odlučivati.

Predsjedavajuća je obavijestila delegate da je na osnovu člana 88. stav 1. Poslovnika o radu Doma naroda 2/3 članova Kluba delegata hrvatskog naroda u Domu naroda podnijelo prijedlog za sazivanje sjednice Doma naroda na kojoj bi se raspravljalo o aktuelnoj političkoj situaciji u Federaciji BiH.

Također, Amir Zukić, predsjednik Kluba delegata bošnjačkog naroda u Domu naroda, predložio je da se na ovoj sjednici razmatra Informacija o Protokolu o saradnji između Vlade Federacije BiH i ImmoFinanzCenter – International Finance Management.

Radoje Vidović je, ispred Kluba delegata hrvatskog naroda, izjavio da je raskinuta dosadašnja vladajuća koalicija i formirana nova parlamentarna većina koju čine predstavnici HDZBiH, HDZ 1990, SDPBiH i SBB. Slijedom

toga predložio je da se kao rezultat nove većine za ovu sjednicu usvoji sljedeći:

### **DNEVNI RED**

1. Razrješenje predsjedavajuće Doma naroda Parlamenta Federacije BiH,
2. Izbor predsjedavajućeg Doma naroda Parlamenta Federacije BiH,
3. Zaključci i odluke sa ciljem otklanjanja prepreka u funkcioniranju vlasti u Federaciji BiH:
  - a) Zahtjev predsjedniku Federacije BiH i potpredsjedniku Federacije BiH da podnesu ostavke,
  - b) Zahtjev premijeru Federacije BiH da predloži smjenu ministara u Vladi Federaciji BiH koji opstruiraju rad Vlade,
  - c) Zahtjev Vladi Federacije BiH da Parlamentu Federacije BiH hitno dostavi prijedloge za imenovanja iz nadležnosti Parlamenta Federacije BiH,
  - d) Zahtjev Vladi Federacije BiH da u skladu sa svojim ovlastima pojača nadzor u ministarstvima, javnim preduzećima, institucijama, te poduzme potrebne mjere sa ciljem prevazilaženja nastalog stanja,
  - e) Prijedlog Odluke o imenovanju privremenih članova Upravnog odbora RTVFBiH,
4. Informacija o Protokolu o saradnji između Vlade Federacije BiH i ImmoFinanzCenter- International finance Management.

Amir Zukić, predsjednik Kluba delegata bošnjačkog naroda, izjavio je da je u dogovoru za sazivanje ove sjednice Kolegij Doma naroda raspravljao o zahtjevu 2/3 članova Kluba delegata hrvatskog naroda koji je predložio da se na ovoj sjednici raspravlja o aktuelnoj političkoj situaciji u Federaciji BiH i da je dogovoreno da se kao tačke dnevnog reda predlože - Aktuelna politička situacija u Federaciji BiH i Informacija o Protokolu o saradnji između Vlade Federacije BiH i ImmoFinanzCenter- International finance Management.

Radoje Vidović izjavio je da na Kolegiju Doma naroda nije dogovoren dnevni red nego je odlučeno da ga predloži predsjedavajuća Doma naroda i zatražio da se tačke koje je predložio Klub razmatraju prve, dok bi se tačka koju je predložio predsjednik Kluba delegata bošnjačkog naroda razmatrala nakon toga.

Predsjedavajuća Doma naroda je izjavila da na Kolegiju Doma naroda nije bilo razgovora o tačkama koje je na ovoj sjednici predložio Klub delegata hrvatskog naroda, već su predložene tačke – Aktuelna politička situacija u Federaciji BiH i Informacija o Protokolu o saradnji između Vlade Federacije BiH i ImmoFinanzCenter- International finance Management - koju je predložio Amir Zukić.

Amir Zukić je izjavio da je u predloženom dnevnom redu predložena tačka – Aktuelna politička situacija u Federaciji BiH - i da bi se prihvatanjem prijedloga koji je iznio Radoje Vidović otvorila rasprava o drugim temama, što bi predstavljalo kršenje Poslovnika o radu Doma naroda.

Radoje Vidović je izjavio da se dnevni red utvrđuje na samoj sjednici Doma naroda.

Mira Ljubijankić, predsjednica Kluba delegata srpskog naroda, izjavila je da je na Kolegiju Doma naroda dogovoreno da predsjedavajuća predloži dnevni red kakav je predložen u pozivu za ovu sjednicu i da Klub delegata srpskog naroda podržava prijedlog koji je iznio Radoje Vidović, ispred Kluba delegata hrvatskog naroda na današnjoj sjednici, a da se tačka koju je predložio Amir Zukić razmatra kao 4. tačka dnevnog reda.

Amir Zukić je izjavio da na Kolegiju nije bilo govora o dnevnom redu koji je na danšnjoj sjednici predložio Radoje Vidović, te zatražio pauzu kako bi se Klub delegata bošnjačkog naroda izjasnio o nastaloj situaciji što je podržao Jasenko Tufekčić.

Damir Čardžić je predložio da se usvoji dnevni red kako je predložen u pozivu za ovu sjednicu.

Predsjedavajuća je na zahtjev Kluba delegata bošnjačkog naroda dala pauzu od sat vremena.

Nakon pauze, predsjednik Kluba delegata bošnjačkog naroda pročitao je sljedeće zaključke koje je donijelo devet članova Kluba:

1. Klub delegata bošnjačkog naroda u Domu naroda Parlamenta Federacije BiH smatra da je Klub delegata hrvatskog naroda u Domu naroda Parlamenta Federacije BiH, na osnovu člana 88. Poslovnika o radu Doma naroda Parlamenta Federacije BiH, u prijedlogu za sazivanje vanredne sjednice Doma kao tačku dnevnog reda predložio - Aktuelna politička situacija u Federaciji BiH. Budući da ovim nije jasno definiran prijedlog dnevnog reda predlažemo da Klub delegata hrvatskog naroda u Domu naroda Parlamenta Federacije BiH ponovo podnese prijedlog za sazivanje nove vanredne sjednice sa jasno definiranim predloženim dnevnim redom.
2. Klub delegata bošnjačkog naroda u Domu naroda Parlamenta Federacije BiH smatra nedopustivim da Klub delegata hrvatskog naroda u Domu naroda Parlamenta Federacije BiH i Klub delegata srpskog naroda u Domu naroda Parlamenta Federacije BiH podnose zahtjev za smjenu potpredsjednika Federacije BiH

gospodina Mirsada Kebe čime se povređuje vitalni nacionalni interes bošnjačkog naroda.

Klub smatra da bi nastavak 8. vanredne sjednice Doma naroda suprotno članu 88. Poslovnika o radu Doma naroda predstavljalo kršenje Poslovnika, a time i povredu Ustava Federacije BiH.

Ivo Tadić izjavio je da je stvorena nova parlamentarna većina i da će se, u skladu sa Ustavom i zakonima Federacije, izabrati novo rukovodstvo koje želi ova većina.

Damir Čardžić je izjavio da se treba raditi u skladu sa Ustavom i zakonima Federacije.

Amir Zukić je izjavio da je 2/3 većina članova Kluba delegata hrvatskog naroda predložila razmatranje tačke - Aktuelna politička situacija u Federaciji BiH - a ako se želi razmatrati novi prijedlog koji je, ispred 2/3 članova Kluba delegata hrvatskog naroda, iznio Radoje Vidović potrebno je podnijeti prijedlog za zakazivanje nove vanredne sjednice na kojoj bi se razmatrale predložene tačke.

Mira Ljubijankić je izjavila da je 39 delegata, među kojima su pripadnici svakog konstitutivnog naroda i iz reda ostalih - što čini 2/3 većinu članova Doma naroda, potpisalo zahtjev za smjenu predsjednika Federacije BiH Živka Budimira i potpredsjednika Federacije BiH Mirsada Kebe.

U daljnjoj raspravi u vezi sa predloženim dnevnim redom učestvovali su: Mirko Batinić, Jasenko Tufekčić, Amir Zukić, Damir Čardžić, Radoje Vidović, Josip Perić, Zoran Jovanović, Mustafa Kurtović, Zahid Bašić, Aner Žuljević, Zijat Mušić, Amel Hadžiabdić, Almedin Aliefendić, Huso Obradović, Enes Salkanović, Sretko Radišić i Dževad Rađo.

Nakon rasprave, predsjedavajuća je dala pauzu od pola sata kako bi se članovi Kolegija probali usaglasiti u vezi sa dnevnim redom.

Nakon pauze, Amir Zukić je obavijestio delegate Doma naroda da je devet članova Kluba delegata bošnjačkog naroda donijelo Zaključak da ne učestvuje u daljnjem radu 8. vanredne sjednice Doma naroda Parlamenta Federacije jer ne žele učestvovati u očiglednom kršenju Poslovnika o radu Doma naroda Parlamenta Federacije, budući da je sjednica sazvana na osnovu člana 88. Poslovnika o radu koji jasno određuje razlog za zakazivanje vanredne sjednice i zatražio od predsjedavajuće Doma naroda da prekine sjednicu. Također, rekao je da devet članova Kluba povlači saglasnost gospodinu Jasminu Smailbegoviću da bude potpredsjedavajući Doma naroda iz reda bošnjačkog naroda. Zatražio je prekid sjednice a

potom je devet članova Kluba delegata bošnjačkog naroda napustilo sjednicu.

Hajrudin Bećirović i Dževad Rađo izjavili su da se ne slažu sa zaključcima koje je donijelo devet članova Kluba delegata bošnjačkog naroda.

Nakon toga predsjedavajuća je stavila na glasanje dnevni red koji je predložen u pozivu za 8. vanrednu sjednicu i, na osnovu rezultata glasanja, konstatovala da Dom naroda nije usvojio predloženi dnevni red jer su za glasala dva delegata, sedam delegata je bilo uzdržano, a 26 delegata je bilo protiv.

Damir Čardžić je pitao šta se dešava kada većina iz Kluba delegata bošnjačkog naroda izgasa nepovjerenje potpredsjedavajućem Doma naroda.

Izmir Hadživdić, sekretar Doma naroda, rekao je da se u skladu sa članom 120. Poslovnika o radu Doma naroda razrješenje vrši na isti način kao i izbor, tj. da bi bio razrješen potrebno je da ga Dom naroda razriješi dužnosti.

Potom je predsjedavajuća dala na glasanje dnevni red koji je na današnjoj sjednici predložio Radoje Vidović, ispred većine članova Kluba delegata hrvatskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 38 glasova za, uz tri uzdržana glasa i uz dva glasa protiv, usvojio sljedeći:

## **D N E V N I R E D**

1. Razrješenje predsjedavajuće Doma naroda Parlamenta Federacije BiH,
2. Izbor predsjedavajućeg Doma naroda Parlamenta Federacije BiH,
3. Zaključci i odluke sa ciljem otklanjanja prepreka u funkcioniranju vlasti u Federaciji BiH:
  - a) Zahtjev predsjedniku Federacije BiH i potpredsjedniku Federacije BiH da podnesu ostavke,
  - b) Zahtjev premijeru Federacije BiH da predloži smjenu ministara u Vladi Federaciji BiH koji opstruiraju rad Vlade Federacije BiH,
  - c) Zahtjev Vladi Federacije BiH da hitno dostavi Parlamentu Federacije BiH prijedloge za imenovanja iz nadležnosti Parlamenta Federacije BiH,

- d) Zahtjev Vladi Federacije BiH da u skladu sa svojim ovlastima pojača nadzor u ministarstvima, javnim preduzećima, institucijama, te poduzme potrebne mjere sa ciljem prevazilaženja nastalog stanja,
- e) Prijedlog Odluke o imenovanju privremenih članova Upravnog odbora RTVFBiH,

#### 4. Informacija o Protokolu o saradnji između Vlade Federacije BiH i ImmoFinanzCenter- International finance Management.

U skladu sa članom 119. stav 2. Poslovnika o radu Doma naroda predsjedavajuća Karolina Pavlović prepustila je rukovođenje sjednicom potpredsjedavajućem Jasminu Smailbegoviću, budući da je 1. tačka dnevnog reda - Razrješenje predsjedavajuće Doma naroda Parlamenta Federacije BiH - zahvalivši svima na saradnji.

Nakon toga vođenje sjednicom preuzeo je Jasmin Smailbegović koji je zatražio da se Dom naroda izjasni da li podržava prijedlog većine Kluba delegata bošnjačkog naroda kojim je zatraženo njegovo razrješenje sa mjesta potpredsjedavajućeg Doma naroda.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije usvojio ovaj prijedlog jer je protiv glasalo 40 delegata.

### **1. Razrješenje predsjedavajuće Doma naroda Parlamenta Federacije BiH**

Radoje Vidović obavijestio je Dom naroda da je 14 članova Kluba delegata hrvatskog naroda podnijelo prijedlog za smjenu Karoline Pavlović sa dužnosti predsjedavajuće Doma naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za, uz dva glasa protiv i uz dva uzdržana glasa, donio Odluku o razrješenju Karoline Pavlović sa dužnosti predsjedavajuće Doma naroda Parlamenta Federacije BiH.

## **2. Izbor predsjedavajućeg Doma naroda Parlamenta Federacije Bosne i Hercegovine**

Luka Faletar, zamjenik predsjednika Kluba delegata hrvatskog Baroda, obavijestio je Dom naroda da je 14 članova Kluba delegata hrvatskog naroda podnijelo prijedlog za izbor Radoja Vidovića za predsjedavajućeg Doma naroda Parlamenta Federacije BiH.

Predsjedavajući je potom dao pauzu u kojoj se sastala Komisija za izbor i imenovanja Doma naroda kako bi razmotrila ovaj prijedlog kao i Prijedlog Odluke o imenovanju privremenih članova Upravnog odbora RTVFBiH.

Nakon pauze, Stipo Pelivan, zamjenik predsjednika Komisije za izbor i imenovanja, obrazložio je Izvještaj Komisije.

U raspravi je učestvovao Damir Čardžić izjavivši da je na sjednici Komisije bio protiv prijedloga da se Karolina Pavlović razrješi dužnosti predsjedavajuće Doma naroda i da se za predsjedavajućeg Doma naroda Parlamenta Federacije BiH izabere Radoje Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz jedan glas protiv i uz jedan uzdržani glas, donio Odluku o izboru Radoja Vidovića za predsjedavajućeg Doma naroda Parlamenta Federacije BiH.

**Nakon toga predsjedavanje sjednicom preuzeo je Radoje Vidović, novoizabrani predsjedavajući Doma naroda Parlamenta Federacije BiH.**

Predsjedavajući Radoje Vidović se zahvalio delegatima na izboru i prešao na sljedeću tačku dnevnog reda.

- 3. Zaključci i odluke sa ciljem otklanjanja prepreka u funkcioniranju vlasti u Federaciji BiH:**
- a) Zahtjev predsjedniku Federacije BiH i potpredsjedniku Federacije BiH da podnesu ostavke**
  - b) Zahtjev premijeru Federacije BiH da predloži smjenu ministara u Vladi Federaciji BiH koji opstruiraju rad Vlade Federacije BiH**
  - c) Zahtjev Vladi Federacije BiH da hitno dostavi Parlamentu Federacije BiH prijedloge za imenovanja iz nadležnosti Parlamenta Federacije BiH**
  - d) Zahtjev Vladi Federacije BiH da u skladu sa svojim ovlastima pojača nadzor u ministarstvima, javnim preduzećima, institucijama, te poduzme potrebne mjere sa ciljem prevazilaženja nastalog stanja**
  - e) Prijedlog Odluke o imenovanju privremenih članova Upravnog odbora RTVFBiH**

Predstavnički dom Parlamenta Federacije BiH je na 16. sjednici od 26.6.2012. godine donio Odluku o imenovanju privremenih članova Upravnog odbora RTVFBiH kojom su za privremene članove imenovani Zehrudin Isaković iz reda bošnjačkog naroda, Nino Ćorić iz reda hrvatskog naroda i Vanja Kenjić iz reda srpskog naroda na mjesta članova kojima je istekao mandat.

Komisija za izbor i imenovanja Doma naroda razmatrala je Prijedlog Odluke i predložila Domu naroda da je donese.

Damir Čardžić izjavio je da je on glasao protiv ovog prijedloga jer su Helsinški komitet za ljudska prava u Bosni i Hercegovini i Poslovodni odbor RTVFBiH uputili dopis kojim smatraju da je ova odluka donesena suprotno Zakonu o Javnom servisu RTVFBiH.

**a) Zahtjev predsjedniku Federacije BiH i potpredsjedniku Federacije BiH da podnesu ostavke**

Predsjedavajući je podsjetio delegate da je 39 delegata, tj. 2/3 delegata u Domu naroda potpisalo zahtjev za smjenu predsjednika Federacije BiH Živka Budimira i potpredsjednika Federacije BiH Mirsada Kebe te je pozvao delegate da se izjasne o tom zahtjevu.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz jedan glas protiv i uz tri uzdržana glasa, donio Zaključak kojim se zahtijeva od predsjednika Federacije BiH Živka Budimira i potpredsjednika Federacije BiH Mirsada Kebe da podnesu ostavke.



Damir Čardžić zatražio je poimenično izjašnjavanje o ovom zaključku.

Predsjedavajući je odgovorio da ovaj zahtjev nije u skladu sa Poslovníkom o radu Doma naroda i prešao na sljedeću podtačku.

**b) Zahtjev premijeru Federacije BiH da predloži smjenu ministara u Vladi Federaciji BiH koji opstruiraju rad Vlade Federacije BiH**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz tri uzdržana glasa, donio Zaključak kojim se zahtjeva od premijera Federacije BiH da predloži smjenu ministara u Vladi Federacije BiH koji opstruiraju rad Vlade Federacije BiH.

**c) Zahtjev Vladi Federacije BiH da hitno dostavi Parlamentu Federacije BiH prijedloge za imenovanja iz nadležnosti Parlamenta Federacije BiH**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz jedan glas protiv i uz dva uzdržana glasa, donio Zaključak kojim se zahtjeva od Vlade Federacije BiH da Parlamentu Federacije BiH hitno dostavi prijedloge za imenovanja iz njegove nadležnosti.

**d) Zahtjev Vladi Federacije BiH da u skladu sa svojim ovlastima pojača nadzor u ministarstvima, javnim preduzećima, institucijama, te poduzme potrebne mjere sa ciljem prevazilaženja nastalog stanja**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za, uz jedan glas protiv i uz tri uzdržana glasa, donio Zaključak kojim se od Vlade Federacije BiH zahtjeva da u skladu sa svojim ovlastima pojača nadzor u ministarstvima, javnim preduzećima, institucijama, te poduzme potrebne mjere sa ciljem prevazilaženja nastalog stanja.

### **e) Prijedlog Odluke o imenovanju privremenih članova Upravnog odbora RTVFBiH**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za, uz dva glasa protiv i uz tri uzdržana glasa, donio Odluku o imenovanju privremenih članova Upravnog odbora RTVFBiH kojom su za privremene članove imenovani Zehrudin Isaković iz reda bošnjačkog naroda, Nino Ćorić iz reda hrvatskog naroda i Vanja Kenjić iz reda srpskog naroda na mjesta članova kojima je istekao mandat.

### **4. Informacija o Protokolu o saradnji između Vlade Federacije BiH i ImmoFinanzCenter- International finance Management**

Premijer Federacije BiH obrazložio je ovu Informaciju.

U raspravi su učestvovali: Damir Čardžić koji je predložio da Dom naroda donese zaključke koje je pročitao, Hajrudin Bećirović, Zoran Jovanović, premijer Nermin Nikšić, Nikola Simić i Ivo Divković koji je predložio da Dom naroda donese zaključak kojim bi podržao aktivnosti Vlade Federacije BiH na izboru strateškog partnera i ubrzale aktivnosti na realizaciji krupnih energetske i infrastrukturnih projekata i da se sve potrebne aktivnosti rade u skladu sa važećom regulativom.

Nakon rasprave, predsjedavajući je dao na glasanje zaključke koje je predložio Damir Čardžić.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije donio ove zaključke jer su za glasala tri delegata, deset delegata je bilo uzdržano, a 20 delegata je bilo protiv.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za, uz jedan uzdržani glas i uz jedan glas protiv, prihvatio Informaciju o Protokolu o saradnji između Vlade Federacije BiH i ImmoFinanzCenter- International finance Management i podržao aktivnosti Vlade Federacije BiH na privlačenju stranih investicija u oblasti izgradnje infrastrukture i elektroenergetskih objekata.

Sjednica je završena u 21.50.

\* \* \*

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Radoje Vidović